

顧子虬先生訃告

發訃求禮本為應革之舊俗，且此間本不設幕間弔
尤無收禮之需要，請
諸親友接此通知，萬勿賻贈，是為至禱！



3 1764 9677 0

MC
K8233
6

先父子虬公痛於民國二十八年一月八日在吳縣原籍逝世，距生於清同治九年六月初六日，享壽六十九歲。家鄉淪陷，未許奔喪，客居亦不受弔，特此敬告諸親友。

顧頡剛哀啟。

先父行述

先父諱柏年，字貞白，號子虬，先祖廉軍公之長子，而先嗣祖伋之公之嗣子也。家本儒素，自太平軍興，產業蕩然，益難自給，賴兩先祖勤苦支持，家以不墜。先父少歲即負文名，以冠軍入泮，旋食餼。試書院，所得獎金足以佐家用。自先嗣祖逝世，入不敷出，不得已，至山東襄武定府幕。光緒三十年，京師大學堂徵各省招生，蘇州縣府學教諭必欲以先父應，辭之不獲，遂就道，學於師範館。終以家累，休

學而歸。次年應常州士紳之聘，至日本考察教育，歸後創辦武陽兩等小學，為教員。三十三年，舉優貢，朝考一等，以先祖及先嗣祖母年高，不欲為京官，且告近，乃簽分安徽以知縣用，任督練公所及支應局文案，旋以勞績保升直隸州知州。辛亥革命後還籍，任南京造幣廠科長。民國二年，改任浙江鹽運使署科長。六年，任仁和場知事，仍兼辦運署事務。直至二十五年，始以老病乞休。凡言浙江鹽務之利弊得失者，未有過於先父者也，以是雖累次辭職

，甚且携眷返蘇，而運使終必強起之。當其離職時，亦悉由先父權代。雖歷任運使性格不同，而對於先父則恭敬若一。非先父負責之勇，處事之公，知察之周，力足以統籌全局，安得有此。先父性勤且敏，案無留牘，每日入署，恆挾書一冊，於無事時點讀之，數十年未嘗間斷，朱墨所加殆在二千冊上。嘗謂本有志於讀書，以家累重不得專攻，一行作吏，且取之以避俗耳。又好金石書畫，有見輒購，晚年負擔較輕，常罄其俸入之半，手自推拓，或加題詠

，篇章散亂，不自收拾，故所作詩文迄未編定。頤剛前年迎養北平，每伴遊故宮博物院，古物陳列所及廠市諸肆，頤剛而樂之，精神轉覺康強。方冀長承色笑，稍盡人子之心，何意蘆溝變作，頤剛被驅離平，足跡及于隴西滇南，先父外傷國事，內悲別離，舊有喘疾，體力日衰，竟以不起，而頤剛且不得奔喪，先父既賁恨九原，頤剛亦負疚沒世，痛哉痛哉！夫何使我至於此極也！他日故鄉克復，必推先父之志，為之長留紀念。今先就記憶所及，粗述如上，

幸我親友矜而鑒之！

民國廿八年一月十四日，顧頤剛謹述。

78

喜
飲
名
贈

312815